

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-21-000 607-3

Datum, 02. novembar 2021. godine

Na osnovu člana 36. Zakona o državnoj službi u Tuzlanskom kantonu ("Službene novine Tuzlanskog kantona", broj 7/17, 10/17, 10/18 i 14/18), a u skladu sa odredbama Pravilnika o unutrašnjoj organizaciji Kantonalnog suda u Tuzli broj: 003-0-Su-20-000-700, predsjednik Kantonalnog suda u Tuzli
o b j a v l j u j e

INTERNI OGLAS

**za popunu upražnjenog radnog mjesta državnog službenika u radni odnos
na neodređeno vrijeme**

Naziv radnog mjesta:

1. Stručni saradnik.....1 izvršilac

Opis poslova:

- pomaže sudiji u proučavanju i pripremanju predmeta za rasprave, pretrase i referisanje;
- proučava pravna pitanja u vezi sa radom suda u pojedinim predmetima;
- radi na izradi nacрта sudskih odluka;
- vrši samostalno ili pod nadzorom i po uputstvima sudije druge stručne poslove predviđene zakonom ili Pravilnikom o unutrašnjem poslovanju sudova i
- obavlja i druge poslove po naredbi predsjednika suda.

Pored općih uslova predviđenih članom 38. Zakona o državnoj službi u Tuzlanskom kantonu i to:

- a) da je državljanin Bosne i Hercegovine;
- b) da je stariji od 18 godina;
- c) da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja;
- d) da je zdravstveno sposobno za obavljanje poslova predviđenih za to radno mjesto;
- e) da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
- f) da nije obuhvaćeno odredbom člana IX 1. Ustava Bosne i Hercegovine;
- g) da se protiv njega ne vodi krivični postupak,

potrebno je da ispunjava i posebne uslove predviđene Pravilnikom o unutrašnjoj organizaciji Kantonalnog suda u Tuzli i to:

VSS, završen Pravni fakultet, najmanje VII/1 stepen stručne spreme, odnosno visoko obrazovanje najmanje prvog ciklusa Bolonjskog sistema studiranja Bachelor prava sa IV godine studiranja na Pravnom fakultetu i ostvarenim 240 ECTS bodova, položen pravosudni ispit, najmanje 2 godine radnog iskustva, poznavanje rada na računaru.

Kandidati moraju podnijeti sljedeće dokumente, u originalu ili ovjerenoj foto – kopiji:

- Prijavu na oglas;
- Uvjerenje o državljanstvu (ne starije od 6 (šest) mjeseci);
- Izvod iz matične knjige rođenih;
- Potvrda o radnom iskustvu;
- Diplomu o vrsti i stepenu stručne spreme,
- Izjava ovjerena od nadležnog organa kojom se potvrđuje da u posljednje tri godine od dana objavljivanja Javnog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
- Izjava ovjerena od nadležnog organa da kandidat nije obuhvaćen odredbom člana IX stav 1. Ustava Bosne i Hercegovine;
- uvjerenje da se protiv njega ne vodi krivični postupak,

Radni odnos se zasniva **na neodređeno vrijeme**.

Pravo prijave na Interni oglas imaju državni službenici organa državne službe svih nivoa vlasti u Kantonu koji ispunjavaju uslove za obavljanje poslova radnog mjesta.

Rok za podnošenje prijave kandidata na Interni oglas je 8 (osam) dana od dana objavljivanja na oglasnoj ploči suda i službenoj stranici Kantonalnog suda u Tuzli.

Neblagovremene i nepotpune prijave neće se razmatrati.

Izabrani kandidat je dužan dostaviti ljekarsko uvjerenje o općoj zdravstvenoj sposobnosti prije preuzimanja dužnosti namještenika, ne starije od 3 (tri) mjeseca.

NAPOMENA:

Prijave sa traženim dokazima o ispunjavanju svih uslova iz Internog oglasa, osim ljekarskog uvjerenja, koje će izabrani kandidat naknadno priložiti, treba dostaviti u zatvorenoj koverti **sa naznakom „Prijava na Interni oglas za prijem državnog službenika u radni odnos na neodređeno vrijeme“** na adresu: **Kantonalni sud u Tuzli, ulica „Marsala Tita“ broj 137**, preporučeno putem pošte ili neposredno u prijemnu kancelariju ovog suda.



PREDSJEDNIK SUDA

Indira Hadžimehmedović